

Հայաստանի Հանրապետության Արագածոտնի մարզի

խորհրդի նիստի

ք. Աշտարակ

31.07.2023թ. ժամը 14⁰⁰

Մասնակցում էին՝

Ս. Մովսիսյանը	ՀՀ Արագածոտնի մարզպետ
Հ. Գույանը	ՀՀ Արագածոտնի մարզպետի տեղակալ
Հ. Գևորգյանը	ՀՀ Արագածոտնի մարզպետի աշխատակազմի գլխավոր քարտուղար
Ա. Գրիգորյանը	ՀՀ Արագածոտնի մարզպետի խորհրդական
Մ. Դափումյանը	ՀՀ Արագածոտնի մարզպետի օգնական
Մ. Հովհաննիսյանը	ՀՀ Արագածոտնի մարզպետի օգնական

Մարզի ուժային կառույցների ղեկավարներ

Մարզպետի աշխատակազմի ստորաբաժանումների ղեկավարներ

Մարզի համայնքների ղեկավարներ, տեղակալներ

Լրափոխման ջոկատների ներկայացուցիչներ:

ՀՀ Արագածոտնի մարզպետ Սերգեյ Մովսիսյանի նախագահությամբ մեկնարկեց օրակարգային հարցերի քննարկումը:

Օրակարգում՝

1. Մարզի համայնքների սեփական եկամուտների հավաքագրման աշխատանքների վերաբերյալ:
2. Մարզի համայնքներում ամենամյա չօգտագործված արձակուրդների վերաբերյալ:
3. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ:
4. Բնակչության ազդարարումն ապահովելու նպատակով մարզում ազդարարման համակարգի ներդրման վերաբերյալ:
5. Մարզում 2024 թվականին իրականացվելիք սուբվենցիոն ծրագրերի հայտերի և տեխնիկական բնութագրերի ներկայացման կարգի մասին:
6. Ընդերքօգտագործման նպատակով տրամադրված հողամասերի նպատակային նշանակությունների փոփոխման մասին:
7. Համայնքների ենթակառուցվածքների զարգացմանն ուղղված 2022-2023թթ. սուբվենցիոն ծրագրերով իրականացվող աշխատանքների վերաբերյալ:

Լսեցին՝

1. Մարզի համայնքների սեփական եկամուտների հավաքագրման աշխատանքների վերաբերյալ /զեկուցող՝ ֆինանսական վարչության պետ Ն. Գալստյան/:

/Ցուցանիշները կցվում են/:

Ն. Գալստյանը տեղեկացրեց, որ սեփական եկամուտների հավաքագրումը 2023 թվականի առաջին կիսամյակի դրությամբ իրականացվել է 100 %-ով, որը կազմում է տարեկան պլանային ցուցանիշի մոտ 58%-ը: Բարձր ցուցանիշներ են ապահովել Աշտարակ /63,4%/, Շամիրամ /102,4%/, Ապարան /50,4%/, Ալազյազ /61,6%/, Ծաղկահովիտ /65,9 %/, Մեծաձոր /64,6%/ համայնքները: Որոշակի թերացումներ կան Արևուտ /48,2%/ և Թալին /45,3%/ համայնքներում:

Մարզպետ Սերգեյ Մովսիսյանն առաջարկեց Թալին և Արևուտ համայնքների ղեկավարներին առաջիկա ամսվա ընթացքում բարելավել իրենց եկամուտների հավաքագրման գործընթացը, իսկ պատասխանատու ոլորտներին, համայնքների ղեկավարներին հետևողական լինել այդ աշխատանքները պատշաճ կազմակերպելու ուղղությամբ տարեվերջին անհրաժեշտ պլանավորած ցուցանիշը ապահովելու նպատակով:

2. Մարզի համայնքներում ամենամյա չօգտագործված արձակուրդների վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

Հ. Ասատրյանը նշեց, որ ՏԿԵ նախարարի հանձնարարականի համաձայն 2023 թվականի փետրվար ամսից մեկնարկել է մարզի համայնքապետարանների աշխատակազմերի և համայնքային ենթակայության կազմակերպությունների աշխատակիցների 2003-2022թթ. ժամանակահատվածում ամենամյա չօգտագործված արձակուրդների տրամադրման գործընթացը: 2023 թվականի փետրվարի 10-ի դրությամբ ամենամյա չօգտագործված արձակուրդների ընդհանուր գումարը մարզի համայնքներում կազմել է 18 մլն. 917 հազար ՀՀ դրամ: Համայնքապետարանների կողմից ձեռնարկված համապատասխան աշխատանքների արդյունքում 2023 թվականի հունիսի 1-ի դրությամբ մարվել է շուրջ 16 մլն. 400 հազար ՀՀ դրամ և մնացել է ընդամենը 2 մլն. 500 հազար ՀՀ դրամ: Ամենամյա չօգտագործված արձակուրդների տրամադրման աշխատանքները շարունակվում են:

Մարզպետի տեղակալ Հ. Գույանի և մարզպետի աշխատակազմի գլխավոր քարտուղար Հր. Գևորգյանի կողմից ներկայացվեց ՀՀ աշխատանքային օրենսգրքում տեղի ունեցած այն փոփոխությունները, որոնք վերաբերվում են արձակուրդի տրամադրման կարգին: Նշվեց, որ վերանայվել են արձակուրդի կարգավորումների այն կետերը, որ եթե աշխատողը երկուսուկես տարի անընդմեջ խուսափում կամ հրաժարվում է իրեն հասանելիք ամենամյա արձակուրդից, ապա գործատուն այն տրամադրում է առանց աշխատողի դիմումի: Նշվեց նաև, որ նախատեսվել է օրենսգրքով սահմանված ժամկետներում ամենամյա արձակուրդը աշխատողին չտրամադրելու դեպքում գործատուի կողմից աշխատողին տուգանք վճարելու կարգավորում:

Առաջարկվեց համայնքների ղեկավարներին առաջնորդվել նոր կարգավորումներով և հնարավորինս սեղմ ժամկետում գործընթացն ավարտին հասցնել:

3. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ //զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

Զեկուցվեց, որ ՀՀ վարչապետի հանձնարարականի համաձայն մեկնարկել և շարունակվում է համայնքային սեփականություն հանդիսացող շենք-շինությունների նկատմամբ իրավունքի պետական գրանցման աշխատանքները: 2021թ.-ին մարզի համայնքներում առկա էր 138 միավոր շենք-շինություններ, որոնք դեռևս պետական գրանցում չունեին: Մարզպետի աշխատակազմի և համայնքների կողմից ձեռնարկված միջոցառումների արդյունքում մինչ օրս 123 միավոր շենք-շինություններ արդեն իսկ գրանցվել և ձեռք են բերել սեփականության իրավունքի վկայականներ: 28.07.2023թ. դրությամբ մարզի համայնքներում մնացել է ընդամենը 15 միավոր գույք, որոնք դեռևս գրանցված չեն: Հետևողական աշխատանքները շարունակվում են:

Մարզպետ Ս. Մովսիսյանը հանձնարարեց հետևողական լինել, հարցը թողնել օրակարգում, որպեսզի հաջորդ նիստին կատարված աշխատանքների արդյունքը համեմատելի լինի:

4. Բնակչության ազդարարումն ապահովելու նպատակով մարզում ազդարարման համակարգի ներդրման վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

ՀՀ Արագածոտնի մարզային փրկարարական վարչությունից և մարզի համայնքների ղեկավարների կողմից ստացված տվյալների ամփոփման արդյունքում տեղեկացվել է, որ 23.01.2023թ. դրությամբ մարզի համայնքներում առկա է ազդարարման 108 էլեկտրական շջակներ: Մարզի ամբողջ բնակչության ազդարարման ձայնաձայնակայանի ապահովման համար անհրաժեշտ են ևս 42 շջակներ:

Հաշվի առնելով գործընթացի կարևորությունը՝ առաջարկվել է Թալին, Ապարան, Մեծաձոր, Ծաղկահովիտ և Ալազյազ համայնքներին 2023թ. տեղական բյուջեով նախատեսել անհրաժեշտ միջոցներ էլեկտրական շջակների ձեռք բերման և տեղադրման համար:

Մարզպետ Ս. Մովսիսյանի կողմից առաջարկվեց համագործակցել ՀՀ Արագածոտնի մարզային փրկարարական վարչության հետ սեղմ ժամկետներում աշխատանքներն ավարտին հասցնելու համար, քանի որ առաջիկայում նախատեսվում է ԱԻՆ-ի կողմից այդ համակարգի կենտրոնացված, միասնական կառավարման համակարգի ներդրման աշխատանքների գործարկումը:

5. Մարզում 2024 թվականին իրականացվելիք սուբվենցիոն ծրագրերի հայտերի և տեխնիկական բնութագրերի ներկայացման կարգի մասին /զեկուցող՝ զարգացման ծրագրերի մշակման և իրականացման բաժնի պետ Գ. Պողոսյան/:

/Զեկույցը կցվում է/:

Գ. Պողոսյանը ներկայացրեց, որ 2024 թվականի համար համայնքների սոցիալ տնտեսական ենթակառուցվածքների զարգացմանն ուղղված սուբվենցիոն ծրագրեր են ներկայացրել ՀՀ Արագածոտնի մարզի 8 համայնքներից 6-ը՝ Աշտարակ, Ապարան, Ալազյազ, Արևուտ, Թալին և Ծաղկահովիտ համայնքները: 2 համայնք՝ Շամիրամ և Մեծաձոր, ծրագրեր

չեն ներկայացրել: Շամիրամի դեպքում պատճառաբանվել է, որ համայնքի բյուջեում առկա գումարները օգտագործվելու է գազաֆիկացման նպատակով, իսկ Մեծաձորի դեպքում՝ բյուջեում առկա ֆինանսական միջոցները բավարար չեն: Ընդհանուր առմամբ ներկայացվել է 33 սուբվենցիոն ծրագրեր, որոնք համապատասխան ոլորտային գերատեսչություններում քննարկվել և դրական եզրակացություն են ստացել: Ներկայացված ծրագրերի ընդհանուր արժեքը կազմում է 12 208 736 420 ՀՀ դրամ: Ներկայացվեց նաև ծրագրերն ըստ ոլորտների: ՏԿԵ նախարարության և ոլորտային գերատեսչությունների կողմից սուբվենցիոն ծրագրերի վերաբերյալ դրական եզրակացությունը ստանալուց հետո համայնքներին առաջարկվել է կազմակերպել նախագծանախահաշվային փաստաթղթերի կազմման աշխատանքների գնման մրցութային գործընթացը, ինչպես նաև կազմել սուբվենցիայի ամբողջական փաթեթը և սահմանված ժամկետում՝ մինչև ս/թ-ի նոյեմբերի 30-ը, ներկայացնել ՀՀ Արագածոտնի մարզպետի աշխատակազմ:

Մարզպետ Ս. Մովսիսյանի կողմից հանձնարարվեց սուբվենցիոն ծրագրերի հայտերի ներկայացման կարգի մեջ իրականացված յուրաքանչյուր փոփոխություն ներկայացնել համայնքներին և ստեղծված աշխատանքային խմբի կողմից անհրաժեշտ խորհրդատվություն ապահովել:

6. Ընդերքօգտագործման նպատակով տրամադրված հողամասերի նպատակային նշանակությունների փոփոխման մասին /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:
/Զեկույցը կցվում է/:

Հ. Ստեփանյանի կողմից ներկայացվեց, որ ՀՀ Արագածոտնի մարզի համայնքներից հավաքագրվել է տեղեկատվություն օգտակար հանածոների արդյունահանում իրականացնող ընկերությունների վերաբերյալ: Համաձայն նախնական ներկայացված տեղեկատվության մարզում առկա է 57 արդյունահանում իրականացնող ընկերություն: Օգտակար հանածոների արդյունահանման համար 57 հողամասերից ամբողջությամբ հողամասի նպատակային նշանակությունը փոխված է 22-ում, մասնակի է փոխված կամ ենթակա է ճշգրտման 12 հողամասի նպատակային նշանակություն, 5 հողամասինը գտնվում է փոփոխման փուլում: Մնացած դեպքերում հողօգտագործումը ոչ նպատակային է, ուստի անհրաժեշտ է, որ թույլ չտրվի ապօրինի հողօգտագործումը համայնքի սահմաններում: Այդ իրավասությունը դրված է համայնքի ղեկավարի վրա, որի համաձայն համայնքի ղեկավարը վերահսկողություն է իրականացնում համայնքի վարչական սահմաններում գտնվող հողերի նպատակային օգտագործման, հողօգտագործողների կողմից հողային օրենսդրության պահանջների պահպանման նկատմամբ օրենքով սահմանված դեպքերում և կարգով կանխարգելում, կասեցնում և վերացնում է ապօրինի հողօգտագործումները: Օգտակար հանածոների արդյունահանման համար հողամասերը տրամադրվում են ընդերքի օգտագործման իրավունք հաստատող փաստաթղթերին համապատասխան: Ընդերքօգտագործողներին նոր հողամասեր չեն կարող տրամադրվել, եթե նրանց գործունեության արդյունքում նախկինում խախտված հողերը վերականգնման նախագծերին համապատասխան չեն վերականգնվել:

Մարզպետի կողմից առաջարկվեց համայնքների ղեկավարներին հետևողական լինել հողերի ոչ նպատակային օգտագործման դեպքերի կանխարգելման ուղղությամբ տարվող աշխատանքներում: Նշեց, որ առանց հողի նպատակային նշանակության փոփոխության հողի ոչ նպատակային օգտագործելը, ըստ վարչական իրավախախտումների վերաբերյալ օրենսգրքի, ունենալու է իրավական հետևանքներ ինչպես հողօգտագործողների, այնպես էլ

նման իրավախախտումը կանխարգելելու և կասեցնելու իրավասությանը օժտված պաշտոնատար անձանց համար: Պետք է վերանայվի և օրինական դաշտ բերվի բոլոր փաստաթղթերը, պայմանագրերը: **Մարզպետի կողմից հանձնարարվեց**, որ այս հարցը ևս պետք է ներառվի հաջորդ նիստի օրակարգում, որպեսզի գնահատվի իրականացված աշխատանքների արդյունքը:

7. Համայնքների ենթակառուցվածքների զարգացմանն ուղղված 2021-2023թթ. սուբվենցիոն ծրագրերով իրականացվող աշխատանքների վերաբերյալ /գեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:

/Զեկույցը կցվում է/:

Ներկայացվեց, որ հաշվետու ժամանակահատվածում ՀՀ Արագածոտնի մարզի համայնքներում իրականացվել են համայնքների ենթակառուցվածքների զարգացմանն ուղղված ծրագրեր, որոնց մեջ կան ծրագրեր, որոնք սկսվել են դեռևս 2021թ.-ին: Կարբի բնակավայրում իրականացվող համայնքի հասարակական նշանակության տարածքների բարեկարգում ծրագիրը, որը դադարեցվել էր ԿԳՄՍ նախարարության հուշարձանների պահպանություն ՊՈԱԿ-ի կողմից, նախագծային փոփոխություններից հետո շինարարական աշխատանքները շարունակվում են և գտնվում են ավարտական փուլում:

2022 թվականին Արագածոտնի մարզի 8 համայնքների տնտեսական և սոցիալական ենթակառուցվածքների զարգացմանն ուղղված հաստատվել են 19 սուբվենցիոն ծրագրեր: Դրանցից ավարտվել են 13-ը, 6-ը ընթացքի մեջ են:

2023թ. ՀՀ Արագածոտնի մարզում կառավարության կողմից իրականացվող համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերի շրջանակներում հայտերի գնահատման միջգերատեսչական հանձնաժողովի քննարկման է ներկայացվել թվով 23 սուբվենցիոն ծրագրերի ամբողջական փաթեթներ: Միջգերատեսչական հանձնաժողովի կողմից հավանության է արժանացել թվով 21 ծրագիր: **Ընդհանուր՝ 7 430 350 338 դրամ արժեքով:** 2 ծրագրի աշխատանքները ավարտվել են: Ներկայացվեց ծրագրերն ըստ ոլորտների և համայնքների:

Քննարկվեց նաև սուբվենցիայի ծրագրերի շրջանակներում հիմնանորոգվող ՀՀ Արագածոտնի մարզի մանկապարտեզներին անհրաժեշտ գույքով ապահովելու հարցը: Նշվեց, որ նախադպրոցական ուսումնական հաստատություններին անհրաժեշտ գույքի անվանացանկը ներկայացվել է ԿԳՄՍ նախարարություն, որի վերաբերյալ պայմանավորվածություն է ձեռք բերվել, և հարցը կլուծվի մինչև առաջիկա սեպտեմբեր ամսվա ավարտը:

Մարզպետի կողմից կարևորվեց նաև այն խնդիրը, որ համայնքներն իրենց սուբվենցիոն հայտերը կազմելիս պետք է առաջնորդվեն բացառապես իրենց բյուջեում եղած հնարավորություններից:

Զեկույցների ավարտից հետո մարզպետ Սերգեյ Մովսիսյանը խոսքը տրամադրեց կրթության, մշակույթի և սպորտի վարչության պետ **Գ. Թադևոսյանին, որը հանդես եկավ հայտարարությամբ և տեղեկացրեց, որ օգոստոսի 5-ին Շիրակի մարզում կայանալու է**

Համահայկական ամառային 8-րդ խաղերի բացման արարողությունը, որի մասնակցության համար նախօրոք պետք է հայտ ներկայացնել:

Այլ հայտարարություններ և հարցեր չեղան: Ամփոփելով մարզի խորհրդի նիստը՝ մարզպետ Ս. Մովսիսյանը շնորհակալություն հայտնեց ներկաներին, նշեց, որ համատեղ արդյունավետ աշխատանքի արդյունքը նկատելի է գրեթե բոլոր բնագավառներում: Մարզում օր օրի ավելանում են ներդրումային ծրագրերն ու դրանց նկատմամբ հետաքրքրությունները, որը նպաստելու է մարզի համայնքների բարգավաճմանն ու զարգացմանը:

ՀՀ Արագածոտնի մարզպետ՝



Սերգեյ Մովսիսյան